

Seminar Zakat ***Amwal Fadhilah*** *(Harta Lebih)*

KONSEP PENGURUSAN ZAKAT AMWAL FADHILAH

Dr. Rosli Mokhtar

Dianjurkan Oleh :



Anjuran Bersama :

KOLEJ UNIVERSITI ISLAM ANTARABANGSA SELANGOR
الجامعة الإسلامية العالمية برunei سلاغور
INTERNATIONAL ISLAMIC UNIVERSITY COLLEGE SELANGOR

Dengan Kerjasama :



MASJID WILAYAH PERSEKUTUAN
KUALA LUMPUR

Konsep Pengurusan Zakat Amwal Fadhilah

Dr Rosli Mokhtar

Jabatan Syariah,

Fakulti Syariah & Undang-undang

Kolej Universiti Islam Antarabangsa Selangor.

rosli@kuis.edu.my

8 Oktober 2019

Muqaddimah

Harta adalah keperluan manusia yang dikategorikan dalam peringkat dharuriyat, ia menggambarkan betapa syariat Islam memberikan keutamaan kepada penghasilan dan pengurusan harta. Ini kerana perhatian yang diberikan oleh syariat Islam terhadap persoalan kerohanian dan keakhiran tidak sedikitpun membuatkan Islam menolak kepentingan harta dalam kehidupan keduniaan.

Bahkan Islam telah memberikan perhatian khusus terhadap pengurusan harta demi menjaga kemaslahatan manusia dan mengharmonikan hubungan sesama insan. Antara elemen pengurusan harta yang penting ialah tuntutan zakat dalam pelbagai bidang dan pembahagiannya. Kewajipan zakat telah diletakkan sebagai salah satu daripada rukun Islam dan disampaikan dalam bentuk dalil qatie yang tidak ada sedikit pun keraguan terhadap pensyariatannya.

Antara bidang pengurusan zakat yang masih boleh dibangunkan ialah berkaitan dengan amwal fadhilah. Ini kerana bidang kajian zakat jenis ini menjadi sebahagian daripada satu bentuk kekayaan yang masih belum dimanfaatkan secara optimum sebagai sumber zakat. Sedangkan pihak-pihak yang bertanggung jawab menguruskan harta jenis ini sering mengeluarkan kenyataan tentang timbunan khazanah umat Islam yang perlu diberikan perhatian. Ada sumber yang mendakwa jumlah amwal fadhilah di Malaysia pada tahun 2014 ialah sebanyak RM 66.6 billion (Harian Metro). Hal ini memerlukan satu penilaian dan berbincangan secara lebih mendalam bagi menjamin manfaat harta khususnya hak golongan yang tidak berkemampun tidak diabaikan.

Maqasid Zakat

Zakat adalah salah satu daripada cabang-cabang ibadah yang sangat penting untuk diberikan penekanan. Ini disebabkan zakat yang merupakan pengurusan terhadap harta memerlukan kepada kawal selia. Kewajipan mengeluarkan zakat pada hakikatnya menjadi bukti terhadap keprihatinan agama Islam terhadap perkembangan harta. ini kerana seruan ke arah mengeluarkan zakat memberi isyarat secara tidak langsung bahawa Islam menggalakkan perkembangan harta dan mendorong ke arah berlakunya aktiviti ekonomi yang sihat sehingga ia bukan sahaja membawa keuntungan secara langsung kepada pemiliknya Tetapi dalam masa yang sama ia menjamin adanya keuntungan di pihak mereka yang tidak bernasib baik.

Zakat merupakan satu ibadah yang mempunyai maqasid yang berbagai dan pada dasarnya boleh dibahagikan kepada tiga kategori. Manfaat zakat pertama sekali kembali kepada pengeluar zakat itu sendiri. Ini kerana zakat menjadikan pengeluaranya direndai oleh Allah, dosanya diampunkan dan kehidupannya diberkati. Pengeluar zakat juga dapat mengurangkan kecintaan kepada dunia dan pergantungan kepada alam yang fana ini dapat dikurangkan. Dengan itu kecintaan kepada dunia yang merupakan salah satu daripada kelemahan jiwa dapat dikawal. (Bannani,2017)

Faedah zakat juga kembali kepada penerima zakat apabila bantuan yang diberikan akan dapat menyelesaikan masalah kewangan yang dihadapi. Pengurusan zakat yang baik dapat menjadikan penerima zakat dibangunkan dan akhirnya mereka akan keluar dari cengkaman kemiskinan.

Faedah zakat juga kembali kepada masyarakat kerana penyelesaian kepada masalah kemiskinan akan membawa kepada masyarakat yang lebih harmoni dan seimbang. Sikap hormat menghormati akan wujud dan setiap ahli masyarakat tidak akan merasa dizalimi atau terabai. Hal ini memberi impak positif kepada perkembangan masyarakat dan pendidikan generasi yang berdaya saing.

Ketiga-tiga pihak yang membentuk masyarakat itu tadi merupakan asas penting yang sering diabaikan dalam perjalanan masyarakat yang tidak seimbang. Seringkali hak individu menyebabkan berlakunya pengabaian dalam hak individu dan seringkali pula sesetengah masyarakat cuba memberikan hak kepada pihak yang lemah sehingga menyalimi kumpulan yang berharta. Jumlah zakat yang sangat kecil, penyerahan hak pengurusan zakat kepada pihak pemimpin dan gesaan untuk berlaku amanah dan mengutamakan kemaslahaan menjadikan

amalan zakat menjurus kepad amenyelesaikan masalah masyarakat dalam bentuknya yang lebih menyeluruh. Selain itu bidang ijтиhad yang luas dalam hukum-hakam zakat memberikan ruang fleksibiliti yang menggalakkan pentadbir untuk terus berusaha membangunkan sistem yang terbaik dalam pengurusan zakat.

Makna Zakat Pada Bahasa dan Istilah

Zakat dalam bahasa Arab berasal dari perkataan zaka yang bermaksud tumbuh dan berkembang.(Ibn Manzur) Dalam surah al-Kahfi Allah berfirman:

قَالَ أَفْتَأْتَنِي نَفْسًا زَكِيّةً

Yang bermaksud apakah kamu membunuh jiwa yang sedang membesar dan banyak membawa kebaikan (al-Mawardi) Zakat juga bermaksud kebaikan sebagaimana disebut dalam surah al-kahfi diatas. (Ibnu Manzur) Perkataan zakiyyah berasal dari perkataan zaka, yang bermaksud tumbuh atau jika dinisbahkan kepada manusia bermaksud sedang membesar.

Adapun zakat dari sudut istilah bermaksud mengambil sesuatu yang khusus daripada harta yang khusus berdasarkan sifat-sifat yang khusus untuk diberikan kepada pihak yang khusus (al-Mawardi,1994)

Makna Amwal

Para fuqaha' telah mengkategorikan harta kepada pelbagai jenis mengikut aspek-aspek tertentu, antaranya:

1. Dari sudut harus dan haram penggunaannya, terbahagi kepada bernilai dan tidak bernilai.
2. Dari sudut kekal dan tidak kekal ditempatnya, terbahagi kepada harta alih dan harta tak alih .
3. Jika dilihat dari sudut kekal dan tidak kekal ‘ainnya (fizikal) dengan menggunakan, terbahagi kepada pakai habis dan pakai sahaja .

Bersandarkan kepada keterangan-keterangan di atas, dapatlah dirumuskan bahawa ‘harta’ dari sudut undang-undang Islam ialah setiap sesuatu yang boleh dikuasai, dimanfaatkan dan halal

menurut ketetapan syarak serta mempunyai nilai di samping manusia cenderung kepadanya.(Yazid & Ibor,t.t)

Dalam kajian yang dilakukan oleh Yazid & Ibnor, merumuskan bahawa:

1. Dikira sebagai harta jika sesuatu itu dikuasai dan boleh dimanfaatkan secara langsung seperti duit, rumah dan lain-lain.
2. Dikira sebagai harta jika sesuatu itu masih tetap boleh dikuasai walaupun bukan secara langsung selagi ia boleh dimanfaatkan seperti galian dalam perut bumi.

Pemilikan Sempurna Sebagai Syarat Zakat

Dalam menjadikan sesuatu harta itu wajib dikeluarkan zakat, terdapat syarat-syarat yang dipenuhi. Syarat-syarat tersebut ialah pemilikan yang sempurna, cukup haul, cukup nisab, bebas daripada hutang, merupakan harta lebihan arripada keperluan asasi dan harta tersebut memiliki sifat nama' ataupun berkembang.

Namun demikian perbincangan kali ini hanya mengambil kira ssatu syarat sahaja iaitu pemilikan sempurna. Ini kerana syarat ini berkenaan secara langsung dengan topik yang dibincangkan iaitu amwal fadhilah.

Harta yang dimiliki manusia pada dasarnya adalah harta Allah yang dipinjamkan kepada manusia. Kerana itu terdapat ayat-ayat al-Quran yang menisahkan harta kepada Allah. Firman Allah:

وَإِنْ وُهُمْ مِنْ مَالِ اللَّهِ الَّذِي إِنَّمَا كُنْتُمْ تَنْعَمُونَ

Maksudnya: Dan berikanlah kepada mereka daripada harta Allah yang telah diberikan kepada kamu.

(Surah al-Nur:33)

Ayat diatas bermaksud Allah menyuruh agar diberikan kepada orang-orang miskin itu harta yang dimiliki kerana harta itu merupakan rezeki yang diberikan oleh Allah kepada manusia. Al-Qurtubi menakalkan daripada Zaid bin Aslam bahawa maksud arahan ini ialah suruhan Allah

kepada pemimpin agar mereka memberikan harta sedekah kepada mereka yang berhak.(al-Qurtubi,2006)

Namun demikian manusia adalah pemilik yang bertanggungjawab terhadap harta tersebut di dunia ini. Dengan itu terdapat juga ayat-ayat al-Quran yang menisahkan harta kepada manusia. Hal ini dihubungkan dengan tanggungjawab keduniaan dan menjadi satu kemuliaan kepada manusai.(al-Qaradawi,1994)

Dari sudut istilah pula yang dimaksudkan dengan pemilikan sempurna ialah pemilik itu berhak untuk bertindak terhadap harta tersebut tanpa sebarang sekatan daripada mana-mana pihak.(al-Kasani,2003)

Maksud Zakat Amwal Fadhilah

وَيَسْأَلُونَكَ مَاذَا يُنفِقُونَ قُلِ الْعَفْوَ^{٢٣}

Maksudnya :Dan mereka bertanya kepadamu: Apakah yang mereka akan belanjakan (dermakan)? Katakanlah yang berlebih dari keperluan (kamu). Demikianlah Allah menerangkan kepada kamu ayat-ayatNya (keterangan-keterangan hukumNya) supaya kamu berfikir.

(al-Baqarah:219)

Takrif Amwal Fadhilah

Pada hakikatnya kewajipan zakat adalah bertitik tolak daripada membelanjakan harta yang lebih daripada keperluan asasi. Hal ini disebut oleh Allah dengan firmanNya:

وَيَسْأَلُونَكَ مَاذَا يُنفِقُونَ قُلِ الْعَفْوَ^{٢٤}

Maksudnya:

Dan mereka bertanya kamu tentang apakah yang dinafkahkan. Katakanlah yang lebih.

Ibnu Kathir meriwayatkan bahawa Ibnu Abas menerangkan maksud al-afu dalam ayat diatas dengan kata beliau bermaksud: apa yang lebih daripada keperluan keluarga kamu. Ibnu Abbas menggunakan perkataan “ma yafdhulu” bermaksud apa yang lebih.(Ibnu Kathir,1999)

Dari perkataan inilah diambil istilah amwal fadhilah, dengan menggunakan lafaz jamak pada amwal bermaksud harta-harta. Ia digunakan dalam bahasa Melayu dengan istilah harta lebihan.

Menurut Nurul Huda dan Aliyadin, amwal fadhilah ialah harta kaum muslimin yang meninggal tanpa ahli waris dan harta kaum muslimin meninggalkan negeri untuk berpindah kenegara lain.(Nurul Huda, Aliyadin, 2016)

Takrif ini bertentangan dengan takrif Imam al-Qarafi berkenaan mal al-dhimar iaitu beliau mentakrifkannya dengan harta yang dimiliki dan diketahui kedudukannya tetapi tidak dapat sampai kepadanya.(al-Qarafi,) Maksud tidak sampai disini ialah tidak dapat bertindak kepada harta tersebut disebabkan adanya halangan.

Keadaan ini dikatakan bertentangan kerana harta dhimar adalah harta yang tidak boleh sampai kepadanya sedangkan amwal fadhilah adalah harta yang dapat dicapai dan diuruskan tetapi pihak yang memilikinya tidak dapat dikesan.

Jenis-jenis amwal Fadhilah

Dapat disimpulkan bahawa amwal fadhilah ialah harta yang tidak dituntut. Harta dari jenis itni walaubagaimanapun dizaman ini adalah besar dan bukan sekadar dari jenis harta yang ditinggalkan oleh pemiliknya setelah mereka merantau keluar negara atau harta yang tidak dituntut setelah kematian.

Berikut ini adalah harta-harta yang mempunyai keadaan yang sama dengan apa yang disebut sebagai harta yang ditinggalkan dan pusaka yang tidak dituntut.(Mohd Arafat,2017)

1. Hutang Lapok
2. Harta Yang Tidak dituntut Selepas Kematian
3. Harta Rampasan
4. Harta yang ditinggalkan
5. Harta yang ditemui (luqatah)

Al-Fauzan menyatakan bahawa harta boleh dibahagikan kepada tahap pemilikan yang sempurna:

- 1- Milku tam bi al-a'ala iaitu pada had paling sempurna iaitu suatu harta yang dimiliki dalam keadaan biasa dimana pemilik bebas berurusan dengan harta tersebut.
- 2- Milku tam bi al-adna dimana pemilikan masih sempurna dan zakat masih diwajibkan walaupun terdapat sedikitkekangan dari sudut penguasaan terhadap harta seperti harta

yang menjadi barang gadaian, hutang yang ada harapan untuk dijelaskan dan lain-lain.

- 3- Milik laisa tam iaitu pemilikan yang tidak sempurna dimana pada pandangan beliau zakat menjadi tidak wajib kepada pemilik harta tersebut seperti harta awam, harta yang dirampas oleh pihak berkuasa dan sebagainya.(al-Fauzan,1423H)

Dalam pembahagian diatas dua kategori adalah dimasukkan dalam mil tam atau pemilikan sempurna dan yang terakhir adalah pemilikan tidak sempurna. Pemilikan sempurna dikenakan zakat walaupun terdapat sedikit kecacatan tetapi pemilikan yang naqis atau tidak sempurna dikecualikan kepadanya zakat. Ini kerana harta ini akan menjadi harta kerajaan dengan proses masa.

Penutup

Kesemua harta-harta yang disebut diatas mempunyai ciri yang sama dari sudut ianya tidak memiliki pemilikan yang sempurna. Harta-harta tersebut juga mempunyai ciri yang sama dari sudut ianya akan dimiliki negara jika tidak ada seseorang yang menuntutnya dalam jangkamasa tertentu berdasarkan kepada pandangan berbeza.

Dengan itu harta-harta ini kelihatan mempunyai dua unsur penting yang boleh dibincangkan iaitu ketiadaan pemilik dan kedua ianya akan dijadikan milik awam. Kedua-dua ciri ini menjadi penghalang kepada harta ini dikenakan zakat kerana bukan sahaja harta yang tidak ada pemilikan sempurna yang dihalang untuk dikenakan zakat tetapi harta yang menjadi milik awam juga adalah tidak dikenakan kepadanya zakat.

Rujukan

Al-Quran al-Kaim

Al-Qurtubi, Muhammad bi Ahmad (2006) Al-Jamie li Ahkam a-Quran terkenal dengan Tafsir al-Qurtubi, Muassasat al-Risalah: Beirut Lubnan.

Al-Kasani, Abu Bakar al-Kasanial, Badaie wa al-Sanaie ((2003) Dar al-Kutub al-Ilmiyyah:Beirut Lubnan.

al-Qarafi, Abu al-Abbas Shihab al-Din Ahmad bin Idris bin Abdul Rahman al-Maliki 2000. Al-Usul fi Sharhi al-Mahsul. Beirut : Dar al-Kutub al-Ilmiyah.

Ibnu Kathir, Tafsir al-Quran al-Azim, Ismail bin Umar bin al-Kathir 1999.Dar Taibah: Riyad Arab Saiudi.

Nurul Huda, Achmad Aliyadi, Agus Suprayogi (2016) Keuangan Publik Islami Pendekatan Teoretis & Sejarah, Indonesia:Kencana

Mohd Arafat, 2017 Harta Yang Tidak Dituntut Dalam Islam Dan Undang-Undang Di Malaysia.Tesis sarjana falsafah , Fakulti Tamaddun Islam UTM.

Al-Mawardi, Abu Hasan Ali bin Muhammad, (1994) Beirut: Dar al-Kutub al-Ilmiyyah.

Jurnal Pengajian Umum UKM bil 7, Konsep Harta Menurut Perspektif Undang-Undang Islam dan Undang-Undang Sivil : Satu Tinjauan, Yazid Ahmad & Hj. Ibnor Azli Ibrahim

Ibnu Qudamah, Abu Muhammad Abdulah(1994) al-Mughni,Jil 4 Riyad: Dar al-Kutub.

Al-Fauzan, Muhammad Soleh (1432H) Seminar Ekonomi Islam ke 32, Arab Saudi

Al-Qaradhawi, Yusof (1994) Fiqh al-Zakat, Mesir: Dar Wahbah.

Ibnu Manzur, Muhammad bin Mukram (2010) Lisan al-Arab,Beirut:Dar Sadir.

Al-Mausuah al-Kuwaitiyah,(2010) Kuwait:Waizarah al-Auqaf

Bannani,Dr Abdul Karim 2017 <https://www.aliqtisadislami.net/>



Seminar Zakat *Amwal Fadhlilah* (Harta Lebihan)

**KONSEP PENGURUSAN
ZAKAT AMWAL FADHLILAH**

Dr. Rosli Mokhtar

Perhatian Islam terhadap sifat memberi

مَثْلُ الَّذِينَ يُنْفِقُونَ أَمْوَالَهُمْ فِي سَبِيلِ اللَّهِ كَمَثْلٍ حَبَّةٌ أَنْبَتَتْ سَبْعَ سَنَابِلَ فِي كُلِّ سُنْبُلَةٍ مِائَةُ
حَبَّةٍ وَاللَّهُ يُضَاعِفُ لِمَنْ يَشَاءُ وَاللَّهُ وَاسِعٌ عَلَيْهِ

- Bandingan (derma) orang-orang yang membelanjakan hartanya pada jalan Allah, ialah sama seperti sebiji benih yang tumbuh menerbitkan tujuh tangkai; tiap-tiap tangkai itu pula mengandungi seratus biji. Dan (ingatlah), Allah akan melipatgandakan pahala bagi sesiapa yang dikehendakiNya, dan Allah Maha Luas (rahmat) kurniaNya, lagi Meliputi ilmu pengetahuanNya. (al-Baqarah:261)

Makna Zakat

- زكاء الشيء
- tumbuh, suci, berkat, puji (lisan al-arab)
- Maka istilah dalam syarak:

Kadar tertentu daripada harta yang difardukan oleh Allah kepada yang berhak menerima zakat.
(al-Qardawi)

• وَيَسْأَلُونَكَ مَاذَا يُنفِقُونَ قُلِ الْعَفْوَ[ۖ] (219)

- Dan mereka bertanya kepadamu: Apakah yang mereka akan belanjakan (dermakan)? Katakanlah yang berlebih dari keperluan (kamu). Demikianlah Allah menerangkan kepada kamu ayat-ayatNya (keterangan-keterangan hukumNya) supaya kamu berfikir.
- عن ابن عباس : (وَيَسْأَلُونَكَ مَاذَا يُنفِقُونَ قُلِ الْعَفْوَ) قال : ما يفضل عن أهلك . (ابن Kathir)
- Ibnu Kathir meriwayatkan bahawa Ibnu Abbas berkata: apa yang lebih dari keperluan keluargamu.

Hak tanaman ketika dituai

• وَهُوَ الَّذِي أَنْشَأَ جَنَّاتٍ مَعْرُوفَاتٍ وَغَيْرَ مَعْرُوفَاتٍ وَالنُّخْلَ
وَالزَّرْعَ مُخْتَلِفًا أَكْلُهُ وَالرُّمَانَ مُتَشَابِهًا وَغَيْرَ مُتَشَابِهٖ
كُلُّوا مِنْ ثَمَرِهِ إِذَا أَثْمَرَ وَآتُوا حَقَّهُ يَوْمَ حَصَادِهِ وَلَا تُسْرِفُوا
إِنَّهُ لَا يُحِبُّ الْمُسْرِفِينَ (141)

Hak tanaman ketika dituai

- Dan Dia lah (Allah) yang menjadikan (untuk kamu) kebun-kebun yang menjalar tanamannya dan yang tidak menjalar; dan pohon-pohon tamar (kurma) dan tanaman-tanaman yang berlainan (bentuk, rupa dan) rasanya; dan buah zaiton dan delima, yang bersamaan (warnanya atau daunnya) dan tidak bersamaan (rasanya). Makanlah dari buahnya ketika ia berbuah, dan keluarkanlah haknya (zakatnya) pada hari memetik atau menuainya; dan janganlah kamu melampau (pada apa-apa jua yang kamu makan atau belanjakan); sesungguhnya Allah tidak suka kepada orang-orang yang melampau.

Hak-hak orang-orang yang terabai, miskin dan ibnu sabil

• إِنَّ الْمُتَّقِينَ فِي جَنَّاتٍ وَعُيُونٍ (15) أَخْذِينَ مَا آتَاهُمْ رَبُّهُمْ وَإِنَّهُمْ كَانُوا قَبْلَ ذَلِكَ مُحْسِنِينَ (16) كَانُوا قَلِيلًا مِنَ اللَّيْلِ مَا يَهْجَعُونَ (17) وَبِالْأَسْحَارِ هُمْ يَسْتَغْفِرُونَ (18) وَفِي أَمْوَالِهِمْ حَقٌ لِلسَّائِلِ وَالْمَحْرُومُ (19)

- Sesungguhnya orang-orang yang bertaqwa adalah ditempatkan di dalam beberapa taman Syurga, dengan matair-matair terpancar padanya.
- (Keadaan mereka di sana) sentiasa menerima nikmat dan rahmat yang diberikan kepadanya oleh Tuhan mereka. Sesungguhnya mereka di dunia dahulu adalah orang-orang yang berbuat kebaikan.

- Maqasid zakat
 - Kewajipan mengeluarkan zakat pada hakikatnya menjadi bukti terhadap keprihatinan agama Islam terhadap perkembangan harta. ini kerana seruan ke arah mengeluarkan zakat memberi isyarat secara tidak langsung bahawa Islam menggalakkan perkembangan harta dan mendorong ke arah berlakunya aktiviti ekonomi

- Maqasid zakat
 - Manfaat zakat pertama sekali kembali kepada pengeluar zakat itu sendiri. Ini kerana zakat menjadikan pengeluarnya diredayai oleh Allah, dosanya diampunkan dan kehidupannya diberkati. Pengeluar zakat juga dapat mengurangkan kecintaan kepada dunia dan pergantungan kepada alam yang fana

- Maqasid zakat
 - Faedah zakat juga kembali kepada penerima zakat apabila bantuan yang diberikan akan dapat menyelesaikan masalah kewangan yang dihadapi.
 - Faedah zakat juga kembali kepada masyarakat kerana penyelesaian kepada masalah kemiskinan akan membawa kepada masyarakat yang lebih harmoni dan seimbang. Sikap hormat menghormati akan wujud dan setiap ahli masyarakat

- **Makna Amwal**
- Para fuqaha' telah mengkategorikan harta kepada pelbagai jenis mengikut aspek-aspek tertentu, antaranya:
 - 1. Dari sudut harus dan haram penggunaannya, terbahagi kepada bernilai dan tidak bernilai.
 - 2. Dari sudut kekal dan tidak kekal ditempatnya, terbahagi kepada harta alih dan harta tak alih .
 - 3. Jika dilihat dari sudut kekal dan tidak kekal 'ainnya (fizikal) dengan menggunakannya, terbahagi kepada pakai habis dan pakai sahaja .

- **Pemilikan Sempurna Sebagai Syarat Zakat**
 - Dalam menjadikan sesuatu harta itu wajib dikeluarkan zakat, terdapat syarat-syarat yang dipenuhi. Syarat-syarat tersebut ialah pemilikan yang sempurna, cukup haul, cukup nisab, bebas daripada hutang, merupakan harta lebihan arif pada keperluan asasi dan harta tersebut memiliki sifat nama' ataupun berkembang.

- **Jenis-jenis amwal Fadhilah**
- Dapat disimpulkan bahawa amwal fadhilah ialah harta yang tidak dituntut. Harta dari jenis itni walaubagaimanapun dizaman ini adalah besar dan bukan sekadar dari jenis harta yang ditinggalkan oleh pemiliknya setelah mereka merantau keluar negara atau harta yang tidak dituntut setelah kematian.
- Berikut ini adalah harta-harta yang mempunyai keadaan yang sama dengan apa yang disebut sebagai harta yang ditinggalkan dan pusaka yang tidak dituntut.(Mohd Arafat,2017)
- Hutang Lapok
- Harta Yang Tidak dituntut Selepas Kematian
- Harta Rampasan
- Harta yang ditinggalkan
- Harta yang ditemui (luqatah)